

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
2009 ԹՎԱԿԱՆԻ ԱՊՐԻԼԻ 2-Ի N 351-Ն ՈՐՈՇՄԱՆ ՄԵՋ
ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ
ՄԱՍԻՆ**

Նախագիծ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

□ □ _____ի 2019 թվականի N ____-Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2009 ԹՎԱԿԱՆԻ
ԱՊՐԻԼԻ 2-Ի N 351-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ
ԿԱՏԱՐԵԼՈՒ ՄԱՍԻՆ**

«Ոստիկանության մասին» օրենքի 17-րդ հոդվածի 1-ին մասի 1-ին կետի «գ» ենթակետի համաձայն՝ Հայաստանի Հանրապետության կառավարությունը **որոշում է.**

1. Հայաստանի Հանրապետության կառավարության 2009 թվականի ապրիլի 2-ի «**Ձերբակալված և կալանավորված անձանց Հայաստանի Հանրապետության կառավարությանն առընթեր Հայաստանի Հանրապետության ոստիկանության կողմից ուղեկցման և պահպանման կարգը հաստատելու մասին**» N 351-Ն որոշման (այսուհետ՝ որոշում) մեջ կատարել հետևյալ փոփոխություններն ու լրացումները.

1) Որոշման վերնագիրը շարադրել հետևյալ խմբագրությամբ.

□**Ձերբակալված և կալանավորված անձանց** Ոստիկանության մասնագիտացված ուղեկցող ստորաբաժանումների կողմից **ուղեկցման և պահպանման կարգը սահմանելու մասին**□,

2) Որոշման առաջին պարբերությունը շարադրել հետևյալ խմբագրությամբ.

□Համաձայն □Ոստիկանության մասին□ **օրենքի 17-րդ հոդվածի 1-ին մասի**

1-ին կետի «գ» ենթակետի՝ Հայաստանի Հանրապետության կառավարությունը որոշում է.

3) Որոշման 1-ին կետը շարադրել հետևյալ խմբագրությամբ. **Սահմանել ձերբակալված և կալանավորված անձանց** Ոստիկանության մասնագիտացված ուղեկցող ստորաբաժանումների կողմից **ուղեկցման և պահպանման կարգը՝ համաձայն հավելվածի.**

4) Որոշման հավելվածի կարգի վերնագրից և ողջ տեքստից հանել **Հայաստանի Հանրապետության կառավարությանն առընթեր** բառերը,

5) Կարգում լրացնել հետևյալ բովանդակությամբ 2.1. կետ.

2.1. Մասնագիտացված ուղեկցող ստորաբաժանումների հիմնական խնդիրներն են.

1) **ձերբակալված կամ կալանավորված անձանց ուղեկցման և պահպանման** ապահովումը դատական նիստերի, քննչական կամ այլ դատավարական գործողությունների ընթացքում,

2) **ձերբակալված կամ կալանավորված անձանց ժամանակին ուղեկցումը հայտում նշված վայր՝ պահպանելով** նրանց համար սահմանված մեկուսացման ռեժիմը,

3) **ձերբակալված կամ կալանավորված անձանց** կողմից փախուստի, ինքնասպանության, ինքնավնասման, պահակախմբի և ուղեկցողի վրա հարձակման փորձերի կանխարգելում և խափանում:

6) Կարգի 2-րդ և 6-րդ գլուխների վերնագրերում, 14-րդ կետում, 28-րդ կետի 3-րդ ենթակետում **ուղեկցումը** բառից հետո ավելացնել **և պահպանումը** բառերը,

7) Կարգի 30-րդ կետի 2-րդ ենթակետում **օրենսդրությամբ** բառից հետո լրացնել **և սույն կարգով** բառերը,

8) Կարգի 52-րդ կետում **ուղեկցումներն** բառից հետո լրացնել **ու պահպանումը** բառերը,

9) Կարգում լրացնել հետևյալ բովանդակությամբ 52.1. կետ.

52.1. Մասնագիտացված ուղեկցող ստորաբաժանումների կողմից հիվանդության հետ կապված հատուկ կարիքներ ունեցող անձանց հատուկ տրանսպորտային միջոցներով ուղեկցման անհնարինության դեպքում նրանց ուղեկցումը և պահպանումը կարող է կազմակերպվել շտապ բժշկական օգնության տրանսպորտային միջոցներով:

10) 7-րդ գլխի վերնագիրը շարադրել հետևյալ խմբագրությամբ.

7.ՈՒՐԵԿՑՈՒՄԸ ԵՎ ՊԱՀՊԱՆՈՒՄԸ ԴԱՏԱՐԱՆՆԵՐՈՒՄԸ,

11) 8-րդ գլխի վերնագրում «անձանց» բառից հետո լրացնել «ուղեկցումը և» բառերը,

12) Կարգում լրացնել հետևյալ բովանդակությամբ նոր՝ 9-րդ գլուխ.

9. ՁԵՐԲԱԿԱՎԱԾ ԵՎ ԿԱԼԱՆԱՎՈՐՎԱԾ ԱՆՁԱՆՑ ԱՆՁՆԱԿԱՆ ԽՈՒՉԱՐԿՈՒԹՅՈՒՆԸ ԵՎ ԻՐԵՐԻ ՉՆՆՈՒԹՅՈՒՆԸ

77. **Ձերբակալված կամ կալանավորված անձանց անձնական խուզարկությունը և իրերի զննությունը կատարվում է նրանց մոտ** արգելված իրեր, առարկաներ և սննդամթերք հայտնաբերելու, ինչպես նաև քրեական գործի քննությանը խոչընդոտելը կամ նոր հանցագործություն կատարելը կանխարգելելու նպատակով: Սույն կետի իմաստով արգելված իրեր, առարկաներ կամ սննդամթերք է համարվում սույն կարգի 85-րդ կետում նշված իրեր, առարկաներ կամ սննդամթերք չհանդիսացող ցանկացած այլ իրերը, առարկաները կամ սննդամթերքը:
78. Անձնական խուզարկությունը պարտադիր իրականացվում է ձերբակալված կամ կալանավորված անձանց պահելու վայրերից, քրեկատարողական հիմնարկներից մեկ պահակախմբից մեկ այլ պահակախումբ ընդունելիս-հանձնելիս, դատարանի խուց մտնելիս, խցից դուրս բերելիս՝ տվյալ վայրի աշխատակցի հետ համատեղ:
79. Անձնական խուզարկություն կարող է իրականացվել նաև հատուկ տրանսպորտային միջոց նստեցնելիս և իջեցնելիս, դատարանի խուց մտցնելիս, խցից հանելիս, **եթե ուղեկցողի մոտ կասկած է առաջանում, որ ուղեկցվող անձին կարող են փոխանցված լինել կամ վերջինս թաքցնում է արգելված իրեր, առարկաներ կամ սննդամթերք:**
80. Սույն կարգի 78-րդ և 79-րդ կետերով նշված գործողությունները կատարվում են առնվազն երկու ծառայողի մասնակցությամբ: Անձնական խուզարկությունից առաջ համապատասխան ծառայողի կողմից առաջարկվում է ինքնակամ ներկայացնել խուզարկվողի մոտ գտնվող անձնական իրերը, իսկ արգելված իրերի, առարկաների կամ սննդամթերքի առակայության դեպքում՝ դրանք ինքնակամ հանձնել:
81. Անձնական խուզարկությունն իրականացվում է **լրիվությամբ՝ խուզարկվող անձի մերկացմամբ, կամ մասնակի, երբ խուզարկվող անձին առաջարկվում է հանել վերնահագուստը և կոշիկները:**
82. **Անձնական խուզարկությունն իրականացվում է լրիվությամբ, եթե ուղեկցողի մոտ հիմքեր կան ենթադրելու, որ ձերբակալված կամ կալանավորված անձի մոտ կարող է լինել** արգելված իրեր, առարկաներ կամ սննդամթերք, որոնք հնարավոր չէ հայտնաբերել մասնակի խուզարկության միջոցով: Ուղեկցողի կողմից մանրամասն զննվում են խուզարկվող անձի հագուստները, կոշիկները, պրոտեզները: Հագուստի մեջ թաքցված իրեր, առարկաներ, սննդամթերք հայտնաբերելու դեպքում, կտորը պատռվում է, կոշիկներից կարող են հանվել սուպինատորները, մետաղական կրունկները:
83. **Անձնական խուզարկությունն իրականացվում է նույն սեռի անձի կողմից:**
84. Անձնական խուզարկությունը կատարվում է անձի պատիվն ու արժանապատվությունը չոտնահարելու սկզբունքով՝ պահպանելով սանիտարա-հիգիենիկ նորմերը:
85. Ուղեկցման ընթացքում **ձերբակալված կամ կալանավորված անձանց**

մոտ թույլատրվում է ունենալ՝

1) բժշկի կողմից նշանակված դեղեր՝ համապատասխան

չափաբաժնով, ինչպես նաև բժշկական ցուցմամբ անձի կենսունակության ապահովման համար անհրաժեշտ սարքեր և պարագաներ /լսողության սարք և այլն/,

2) գրպանի թաշկինակ,

3) ակնոցներ և դրանց պլաստիկ պատյան, կոնտակտային լինզաներ,

4) ձեռքի կամ գրպանի ժամացույց,

5) նոթատետր, գրիչ, մատիտ և փաստաթղթեր,

6) պայուսակ,

7) ձեռնափայտ, անթացուկ, հաշմանդամի նստասայլակ,

8) անձեռոցիկ, կանանց հիգիենայի պարագաներ,

9) ԶՊՎ-ից կամ քրեակատարողական հիմնարկից ստացված սնունդ:

86. Անձնական խուզարկության կամ իրերի զննության ժամանակ արգելված իրեր, առարկաներ կամ սննդամթերք հայտնաբերվելու դեպքում կազմվում է արձանագրություն (N 2 ձև): Արձանագրությունը ստորագրվում է խուզարկությունը կամ իրերի զննությունը կատարող ծառայողների, տվյալ վայրի աշխատակցի և խուզարկության կամ զննման ենթարկված անձի կողմից: Խուզարկության կամ զննման ենթարկված անձի կողմից արձանագրության ստորագրումից հրաժարվելու դեպքում արձանագրության մեջ կատարվում է համապատասխան նշում:□:

87. Անձնական խուզարկությամբ հայտնաբերված և առգրավված արգելված իրերը, առարկաներն ու սննդամթերքը հանձնվում են անձնական խուզարկության ենթարկված ձեռքակալված կամ կալանավորված անձին պահելու վայրի վարչական մաս, որի մասին արձանագրության մեջ կատարվում է համապատասխան գրառում, իսկ հնարավոր հանցագործության հատկանիշներ պարունակող իրերը, առարկաները, նյութերը, գրառումներն անմիջապես հանձնվում են վարույթն իրականացնող մարմնին:

88. Որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:□: